

江西詩徵

江西詩徵卷八十四

南城會煥賓谷編輯

國朝

李傳燮

傳燮字理之號夢巖臨川人乾隆四十四年舉人  
官廣西興業知縣

題曲院疎梅圖

碧筠陰外一枝枝古屋斜陽影去遲翠鳥不啼花欲墮下  
簾微雪上燈時

題春耕圖

春田十里濕雲和花下春鋤掠水過無限好山如畫處亂

紅隨雨點青簑

見人剝棗

曲院秋將晚家家剝棗同長竿搖密翠老樹墮疎紅熟已  
新過雨殘應不爲風西鄰猶有婦誰是杜陵翁

白雁

霜信初歸搗練哀海天無復素書裁西風正念金微冷入  
月南飛帶雪來

杳渺蘆花淡水雲滿湘秋晚幾行分斜陽影裏江城笛驚  
散西風玉一羣

題秋山牧返圖

空山山逕微人蹟不可躡忽爾夕陽低遠與白雲接雲外

笛聲來一牛踏紅葉

雪美人

獨立東風似怯寒阿誰無語弄晶環散花有影瑤宮靜拜  
月無心玉砌閑十二峯消巫峽雨三千路隔藐姑山夜來  
深苑殘香掩沁入梅魂夢又還

秋螢

曾引輕羅撲花陰帶露歸不堪涼雨後仍傍井闌飛芳草  
經秋腐晨霜逼火微多情寒夜永猶爲到書幃

咏金魚

香溪誰棄胭脂膩艷色依稀在水涯十里碧流尋影易一  
痕紅動掠波斜春江人去餘殘錦暮澗風回聚落花我欲

釣鰲蓬島上海天無際見朱霞

晚春和韵

斜日鸛哥自喚茶晚風燕子未還家粧樓烟暗垂楊碧  
更開窻望杏花

岳王墓詩次韵

古墓明湖岸經過恨不勝乾坤當擾亂篡奪且因仍驢背  
仙人墜龍飛帝位乘加袍符木識隱燭愧金滕逖嬪宣和  
主殊慚有道曾山來傾國祚多半用那朋明旨收花石強  
鄰責幣繪更聞紛冠盜誰復愴威稜敵箭傳青海官車困  
白登二宗淪朔漠九廟絕嘗烝典午餘東晉奔申賦中興  
羣雄爭翊戴六合望清澄勦賊三呼厲行軍四將能湯陰

尤偉異留守重飛騰觀象虛占豕循名未愧鵬精忠青簡  
照獎勸紫霄承汴洛傾心久襄樊破敵曾湖么休跋扈金  
尤罷侵凌溟渤龍驚釣天山雁避僧奮威諸夏振開國兩  
河宏懷愍雖終辱荆舒實屢懲豈知歸反間復爾拜疑丞  
和議西陲失安偷海外增罷兵教虎困搆禍等蠅薨垂涕  
當聞詔投弓竟釋搆兵權衆取忌義勇倍生憎鍛鍊勞鉗  
網含糊折股肱風波何慘淡天帝亦愚瞽氣壯騎箕去光  
昏墜宿應循王殊可惜秦氏究誰稱危笑忘亡衛痴同恃  
賂鄧玉津成倉卒指倪木馬任凌兢孝江浦潮三日厓山  
浪萬層黃龍虛立誓白雁豈無徵朔騎馳紅旆殘軍費鉄  
繩長城真自壞弱國詎堪矜遺廟司花近墓鄰花英風大

樹凭衣冠緜後裔香火類禪僧頑鐵顏應赧南枝翠尙凝  
夜燈揚璉塔春草趙家陵忠佞原難辨興亡最有憑椒漿  
君莫奠遺憤易填膺

北地初冬紅碧盡隕憶故園木芙蓉此際盛開悵然  
成咏

茅屋曾依花作鄰江城剪綵幾番新芳魂一隔成長別香  
夢歸來是小春蘄北寒風踈碧隕江南秋老晚紅勻曼卿  
舊是幽燕客翻向蓉城作主人

京邸冬夜聞大姊訃音

余生十八九手足未曾踈寡姊依鄉國西風問起居如何  
風雪夜更接死生書淒絕開緘候殘燈暗綺疎

白髮餘紅淚衰姑最慘神  
入齋猶有子七載未亡人  
天意衰門淡親知遠夢真  
遙遙南北路欲往但沾巾

### 落葉

一夜霜飛萬木危不堪庭院  
又秋期舟歸南浦還飄泊  
人立西風乍別離芳樹最  
憐留鳥影矮檐多半罨蛛  
絲珠簾垂盡黃昏雨靜意  
紅稀綠暗時

紫蘅師與懋堂孝廉同舟南去  
孝廉深于酒紫蘅師時假道  
吳下欲訪小姬因復戲成長  
句兼送其行

鄉夢南飛汝水頭都門同聽  
說羈愁一宵春夢梨花甕  
二月東風桃葉舟悵惱清觴  
來飲餞品題紅袖好勾留  
到家記取新涼後白藕花明  
碧玉流



柳疎鶯老晚芳殘，剩有疎紅下井闌。  
窻暗，夜燈聞短笛夢和涼。  
雨出長安歸心逐雁遙遙，苦秋意如人，漸漸寒惆悵。  
花香天上杳，故山南望水瀾漫。

題秋山聽吹圖

月暗蕭齋，暮禪房靜掩扉。  
白雲依竹重瑤磬，隔花稀。  
清梵和秋雨，西風吹翠微。  
夜深聽又斷，落葉過溪飛。

雨度平望

小舫經過越與吳，兩三聲橈隔菰蒲。  
淡烟紅樹雁來節，細雨烏篷鶯脰湖。  
漁唱入情真可聽，水雲傍晚更堪圖。  
西風夜泊誰家近，解唱瀟瀟一曲無。

聞角同汪雲谷

殘漏丁丁永夜過夜涼哀角動三河戍樓驚嘯長城馬戰  
士吹同瀚海螺臥聽秋聲不成夢起看曉月已無多荒鷄  
忽對西風唱試撥殘燈看大阿

曉過徐公店時方出山

此身忽在崎嶇外旅夢猶驚陟降難一夜車行疑地軟九  
霄山盡見天寬計程莫厭羊腸遠到此翻憐馬力殫悵望  
前途朝日上且依衰柳駐吟鞍

湘衡道中雜詩

黯黯江雲曉漸開衡峯新翠滿江隈傷心風雨人孤往從  
古江山雁北迴雜佩也知蘭杜好孤燈其奈竹枝哀芙蓉  
薜荔都零落誰遲河東柳子來

曉發嚴關

雪花飛不到行客乃宵奔乍聽敲銅鼓真如度玉門地形  
分楚粵天意有寒溫何事烟嵐裏依依望故園

全州城樓

楚客南征何日回祗歸聲裏夕陽催湘春樓上回頭望二  
月空江鴈不來

大蓉江夜宿見壁間畫芍藥作歌

鬼門南望天一縫嶺雲憐客夜相送驛亭忽睹芍藥圖我  
意恐入梨花夢豐臺不到今二年畫壁重逢心一動天涯  
淪落又相見日下讌游誰與共時當四月此花發塵飛廿  
里香車闕豐臺在南西門外二十里百晦猶嫌蕙草稀一朶能教花擔

重暖風初試金臺馬好日光銷玉河凍麗人揜映珠玑光  
貴游腰裏黃門鞢賦當十戶誰見譏孟殿三春長不空此  
卉人稱木牡丹肯與花王作羣從穠豔何如李白章可憐  
合伴姚黃貢湘南今夕復何夕瘴雨深燈眼如膏折枝似  
向畫屏愁小字何來碧紗幪蛛絲魚蠹兩無情玉砌朱闌  
寧有種遺愛難齊柳江樹憐香那得羅浮鳳忽憶坡仙定  
惠院佳人空谷悲無用還思陸子嘉州驛燕宮花海言猶  
縱錦繡青天我舊看風雨黃州誰絕慟花天回首七千里  
豈獨荆揚與岐雍人生幾輩金帶圍禪悅何年玉盃供且  
盡東風婪尾觴蠻酒爲卿復一中

梧江舟次聽雨

聽雨孤篷夜又分  
蒼梧從古有愁雲  
不知今夜桐花底  
泊鳳飄鸞更幾羣

藤縣城樓作

不見當年秦少游  
東風吹我過藤州  
水花如雪春江暮  
又上城南繡鬱樓

讀唐人長恨傳書後

碧落黃泉盡可哀  
武皇內傳幾番開  
生人亦有絲絲恨  
那得鴻都道士來

南內歸來秋草零  
白頭宮女話零星  
願君一掬夫容淚  
不哭雙成哭九齡

雲閣玲瓏一到難  
傳聞褒姒住蓬山  
開天不少神仙客  
紫

府真人昨夜還

金闕歸來舊玉妃五雲深處鎖蛾眉人天一念休輕起看  
取仙人墮落時

同趙賓川同年探城東棲霞諸勝

南戒數棲霞實爲吳山選一江竟裹足衆妙時在眼自爲  
過嶺人閑結尋山伴晨興曳浮梁灘水清可盥桂樹弄新  
香如招吾輩隱問奇得故物快若探委宛來塗亦可人竹  
樹各蕭散入勝擬當歸登高快從善青霞貼地來綠髻迎  
人綰半壁危將散七星粲能辨拽巖剝紅翠鑒古訂疎外  
風雅得明誠毫茫析籀篆快茲嶺嶠行同憩仙靈館每看  
丹乳垂恐逐蒼雲偃更爲蟻入珠復作虵赴棧幽巖光景

絕陡覺曜靈短寒潭棲託誰微見珠光轉目瞥更幽聞心  
驚將縮反從昧惕往箴臨深悔新踐一線生東光明發我  
心展出洞處露天如線  
山中人呼東方亮

溪漲

春水忽已長有如生早潮不知何處雨流到郭東橋野渡  
曉來失山谿晴未消谿南數楊柳相望綠迢迢

陸川城南溫泉歌

春風靈液驪山甞茲水乃在瘴縣南我來招客共休澣肩  
輿小住陶公簞平生山水喜幽討矧茲城闕非遐探城南  
主人亦好事展席覆幬深如薺是時二月朝旭暖水濱官  
柳皆豔豔消寒久已過九九修禊何待簷二三渺焉一身

得春氣過此五步皆寒潭振衣濯足起三歎水經評泊真  
妄談茲泉湧山荷捧地渝州駱谷烏足泰清流合納繡嶺  
影華堂玉甃相吐含湯燬千門極清秘御溝一道長淵涵  
繡黼朝臨日華動凝脂夜洗春紅酣卽今一鑑闢半畝埜  
人飲馬來驂驪顧影婆娑獨蠻女浮光黯淡皆瘴嵐或言  
五嶺號炎微鬱蒸如此人何堪焉知碧湘秋色外亦有羅  
帶比玉簪酸寒自愧熱腸在或與水仙堪同龕未能依暖  
效汀鴈胡取守凍如冰蠶西江迎我久憂涸南粵酌子寧  
非貪匡廬故山亦有此頗聞澗媿林亦慙觸熱何裨夏畦  
苦流膏要使春陽覃愚溪之愚亦偶耳柳州夜夢誰同甘

苦笋

山谷賦云苦而有味如忠諫之可恬國宋人因呼爲諫笋放翁苦笋詩云放使干霄戰風雨



一東新從瘴嶠探紛紛藜藿更相叅苦茶有嗜憑誰解諫  
果齊名每自慙風雨吹成身漸老烟嵐染後味難甘何人  
肯放干霄去腸斷當年陸劍南

久病初愈而內人臥疾詩以慰之

夜夜勞卿檢禁方今宵同病更淒涼烟嵐作意欺新客燈  
火多情話故鄉一室散花愁種種三年求艾事茫茫如今  
法喜妄應悟同剪新黃作道裝

雨度平望

欲喚銀魚船春烟滿江面遠遠吳歌聲水雲遮不見

東方曼倩故里

西母靈詞杳不聞荒墳下馬草如茵上林疏已回英主宣

室威能卻媚人天外歲星猶合璧海東漢月又盈輪來朝  
我亦長安去索米何門淚滿巾

送鴈同王明經定遠周太史厚輅

彭蠡湖邊路西風梁稻肥爾從今日去人是幾時歸栗里  
菊初放芝城柳漸稀此時到江國爲說望寒衣

文丞相畫像詩二十韻

圖爲翁覃谿學士方綱家藏有故明贈太常卿周  
公順昌題識學士將寄之吉州祠堂

五百年來事銅駝幾棘荆丹青尙完好涕泗一交并天水  
流將斷文山骨獨撐黑龍起池沼白雁下湘衡國小英雄  
困時危將相輕尊親同一盡險難竟何成茫昧蒼穹意鮮

新碧血傾傳神餘片紙其價重連城畫手猶前輩凝眸望  
舊京霜飛柴市路風急小樓聲留取黃冠像陪他玉帶生  
太常公後進天順舊題名筆喜像同健車悲檻已橫五人  
眞莽莽一爲太營營烈帝雖誅魏監軍竟喪明青山義骨  
朽黃草故陵平異代歸忠孝千秋見血誠流傳逢學士俎  
豆待宗祔桑梓春陰近松筠古質清祠堂終下拜風雪頌  
南征

### 黃金臺

好士何如好馬心吾聞其語一沾襟有千里易眞知少下  
二城難抱恨深太息空羣終白骨可憐從古重黃金望諸  
一去無神駿落日高臺慘暮陰

別道旁柳

細雨斜風一萬行  
燕南趙北綠茫茫  
回頭忍便相拋去  
長伴征車度夕陽

泰岱神祠題壁

口觀鬱嵯峨紅霞深夜多  
是歲頗旱東方公最大天下雨如何

萬古嶽雲碧幾時民望過  
山根一杯綠容易灑恩波

夜發吳江

寶帶灣環月蕩搖孤帆如葉下  
秋濤客中一事關心甚  
明日銀魚價又高

夜讀明史安南列傳

邊釁都從芹站生  
天亡直到藁街明  
朝聞銅柱銘功立  
暮

報珠厓棄議成下國幾年傷內亂中宵一曲想南征

今皇聖武超前古六月何人浪泊行

伏讀詔書以災荒用兵爲戒

宗人思州司馬

清標

買戰馬於慶遠因贈長句

昭王昔築雲中臺夜夢恍惚驪駒來黃金五百買朽骨此意天地爲遲迴今年

王師伐亂國按圖欲索萬人敵未收鯨鯢向南溟先喚騏驎出東壁世上乘黃那得真圉人太僕空紛紛水草詎宜疫癘地火印空耀崔嵬身歷落思州李司馬相馬肯出張公下一朝捧檄上宜州大功誰是成人者我聞宜州鄰古黔黔馬生小豈重任權奇不產瘴鄉土此語令我思山陰晉侯小駟事可鑒竹耳風蹄當校勘大府無窮掌乘心吾

儕休抱留良憾汝家冀北馬所生孫陽顧處花滿城吾宗  
獨有龍眠老立仗圖成看太平

劉將軍

永泰

帳中夜坐聞雞

月澹碧幢明此聲非惡聲來驚未眠者豈有不平鳴介胄  
原同象烟霜欲四更回看劉越石一劍對燈橫

夜宿受降城得沈二初秋書屬題畫蝶作此寄意

羅浮風雨滿天涯鳳子飄零可憶家一片玉沙瑤草路却  
來飛傍戰場花

讀漢書作和虞山陸茂才

繡虎

市人那解重彭韓一飯情深過築壇看到沛公推解事方  
知貧賤受恩難

登壇旂鼓孰能任幾費文終薦士心從此漢家爲主粟有  
人說到似淮陰

來事難知往易尋棄繻爭道意何深書生那有長纓志却  
是當關苦用心

投筆抽刀計亦疎衛青天幸竟何如同思辛苦平城日不  
爲甘陳上訟書

乙未之冬山陰劉子廷

錫禮

以盆梅見貽到日零落

殆盡今歲花開而子遠在絕域作此志感

劉郎不種桃千樹却把寒梅遠贈予水竹亭蘭盡零落古

香猶似故家書

劉爲豹君  
徵君猶子

梧江曾放載花舟香雪難爲十日留今日垂垂滿官闕何

郎偏不在揚州

偶得

化人因果語原奇  
身世遭逢信有之  
明月最多無酒夜  
好風偏在住船時  
寄愁碧落殊多事  
如願青衣未可期  
細蕊心香緩磨墨  
自尋清課自禁持

金粟齋夜坐分咏得冰

餘潤魚龍已不多  
寒威何事失微波  
忍教孤鷺啼飢去  
大有羣狐放膽過  
愁絕孤舟橫野渡  
狂思匹馬試黃河  
回看皎鏡江流在  
靜閣冬春可若何

得胡助亭軍營函問

萬里戎王一大臨

安南國王弔哭甚哀

翁茶奔走淚盈襟  
蛾眉不讓



才人病馬革無歸壯士心歸路楚江春  
森森揮天漢柱夜沉沉羈魂若過昌江岸

市球江之戰殺賊最多

一聽鯨鯢痛哭音

憑祥州西園梅花

已廢園亭半圯墻此中那得壽陽妝不堪鵲啁風吹後尙  
爲蠻烟蜚雨香野水半灣寒料峭仙雲幾葉影微茫相看  
怪樹長茆裏不爲鄉愁也斷腸

驚聞官軍富良江之潰

河上清人賦淮陰背水軍

至尊頻誥誠

詔書屢促班師兼

言江岸非駐兵

此事

豈傳聞捧檄朝將發傳烽夜未分生還敢自喜轉惜健兒

羣

未向鬼門行時聞風鶴驚因之念

國體不敢問殘兵蜂蠆憂寧過蟲沙化未明回頭看赤驥  
悲淚頓長纓

弔楊叅戎興龍

射虎逢君古鬱林孤雲把臂翠屏陰

若過憑祥州衙留宿語予以未列前茅爲

憾翠屏憑祥山名也前驅早識勤

王志後死方知得士心裏革事悲蠻地遠題襟情共漢江  
深千秋有兩楊無敵片片青燐照古今

梧州劉將軍永清

戰死安南其家人書尙在予行篋

作此弔之

書發蒼梧夜愁雲滿尺牋豈知人戰歿更在雁來前刀大

名空重環歸望正懸將書付燈火可得到重泉

養病龍城艤船受江亭下味茶將歸粵東拏舟來別

作此贈行

請纓憑軾各紛紛參佐橋西見陸雲蠻府陬隅能念我春  
山蛟蠓喜逢君獨爲嚴武三年客同慟陳陶四萬軍一樣  
孫陽衣上淚傷心原不爲離羣

予與味茶皆以文字受補山尚書知遇

驚人非獨夕烽紅此客又隨春水東病樹沉舟皆意內暗  
山寒雨與誰同孤棹咽斷三關上匹馬歸來萬骨中畢竟  
輸君在何處受江亭下半帆風

初春水口關作

萬里見青草春風前夜過孤征悲楚客二月有苗歌風土

寒裳慣河山帶甲多故園逢此日梅柳意如何

宋鳴珂

鳴珂號澹思奉新人乾隆四十五年進士官兵馬  
司指揮有詩集

早發過青魚夾

客子朝臥慵篙師帶星飯篷吹北風滿知及中流半野寒  
遙光悄起視飛鵲亂夾通天遂深人語烟不散具區莽睽  
阻滙澤空汗漫遲爾破浪才臨風默三嘆

過子陵釣臺作

漢家天子魚爲龍舉世不識羊裘翁天寒日莫大澤中眼  
底久已無王公豈知故人乃恩我萬乘不在咸陽宮此時

釣竿不投亦不起故人爾來聊復爾故人得友不得臣咄  
咄故人太逼人嗚呼釣臺之高不知幾千尺反照翻江動  
虛壁魚龍變滅有時盡地老天荒一片石茫茫春草留行  
跡

夜泊安仁縣

猶是故鄉月蒼然萬里舟水天相澹泊沙郭隱深幽客路  
易爲久踈燈微照愁同來共經濟利涉可無憂

新年江上書所見

天濶漢陽樹江清黃鵠磯渚芽晴自茁檣燕飽能飛桂葉  
作人槩金花稚子衣此情殊不減江上故園扉

佩刀

利器鬱光怪鯨魚黃木裝周防異龍雀小物亦風霜杓鑿  
元相入裁成必有方常時佐文戰彈指出鏗鏘

晏起

江臯春散已無邊猶作陰晴不定天亞竹桃花鄰舍火勝  
難楊柳近樓烟燈圍海岳宵開宴館闕絲桐畫望仙三萬  
韶光抵一日人生那惜酒如泉

舟行雜咏

寒重和衣睡未成洲渚靜無鼓角聲波頭酒醒客無賴月  
落半船天未明

無風灘上雪花飛石轉篙頭水濺衣若道風波灘最惡驚  
鷺何事不知歸

冶城舟中

荒汀沙草短離離二月垂楊未挂絲  
新綠忽明深樹裏春風吹長寄生枝

盧金鏡

金鏡字秋水號菽墅武寧人乾隆四十六年歲貢  
讀史

賈誼不永年褚淵不早死造物惜令名  
修短各有以君子貴立業年壽不足紀  
死未必非榮生轉益其否刀鋸與簪  
纓成敗互相使服食求長生何如善終始

感遇

不下非江河可返非古道  
謬生賢者流進退誠矯矯不聞

楚元王殷勤重執手况復數千年寧堪論杯酒彈劍遷幸  
舍遭遇何其厚

雨中寄懷汪輦雲

與子共浮沉年年斷好音不窮非我輩有累亦天心雨過  
青山急風吹白髮深可憐江上客慷慨託高吟

九日登尊經閣

覽秋登峻閣節候正蕭森遙看山河影得知天地心魚風  
春浪急雁唳入雲深客氣茱萸酒徘徊只獨斟

李如筠

如筠字介夫號虛谷大庾人乾隆五十二年進士

官編修



雜詩

蜂蜜不自飽蠶繭不自衣竭力娛他人辛苦將何爲爲文  
葬以塚自喜還自悲一語瀝心血可憐雙鬢絲後世有子  
雲子雲安得知

蓮藕絲何長蓮子心何苦蓮花更可憐夜夜愁風雨風雨  
來無時芳華不自主採蓮作此歌此情聊自剖美人泣秋  
尤朱顏易塵土安得月不弦夜夜如三五

西施詠

越艷可沼吳賢哉范大夫吳宮好明月他年留照越烏棲  
臺前日初曛歌舞招來麋鹿羣孫武入宮酣女戰不敵西  
家嬈子軍霸越功成妾可死魂去魂來五湖水鉛華可惜

浣紗人却把黃金鑄范蠡

張睢陽南將軍合像

天寶召盜殊披猖抱城殉者張睢陽漁陽戰甲來天地烽  
動日月昏無光孤臣纍卵尙死守一朝仗節何堂堂易骸  
可薪子可食衆志脈脈成苞桑民吾赤子死吾死上飽烏  
鳶下螻蟻南八男兒偕死耳不滅賀蘭虛一矢顏常山舌  
將軍指血肉淋漓蒼天子帝旁从賊須臾鬼四目熒熒馮  
怒視愁覷姦臣干國紀英姿颯颯森毛齒圖中精爽尙如  
此無人補寫雷萬春退之恨不作唐史

西華山

塵外青山少俗氛道場花雨自紛紛兩三寒鳥啄枯木八

十老僧鋤白雲肥筍每隨齋飯熟名香更雜野柴焚欲知  
病衲安禪意不打齋鐘怕客聞

贈西華寺僧

蕭寺非人境枯禪心著灰孤燈對影坐一雨送秋來此境  
未能悟前因大可哀祇應供井磴持偈伴黃梅

靈厓寺

浮雲與空山相對忘古今上有虬松蓋下有修竹林紫筍  
迸石罅茯苓黏松陰山鳥隨意啼一一苔梵音咄哉箇俗  
士杖藜何處吟

夢山二十年一見了可識晤彼先覺人兀坐久不食啖焉  
喪形骸於世果無得書空字拏雲想見龍象力山空飢虎

號佛燈昏不滅

度大庾嶺

吾家此山下落拓走東西石磴雲根合茅菴樹杪齊人隨  
孤雁遠天到百蠻低踏遍南枝雪寒香泥馬蹄

觀音巖

韶山出峽聳崑崙此峯積鐵天削成山根洞穴自太古脚  
底尙可孤舟橫洞中老衲似山鬼眉長額廣腹彭亨却聞  
蠻語蛩然喜知此人類非山精佛龕枕石森衆竅所視無  
物心已盲以火來照毛髮豎昏黑慘澹非世情要令五丁  
開上界五百年後雷霆爭空中警欬落鸞鳳側耳似聽緹  
山笙空虛無物或有物往往風動水則鳴願隨此衲入苦

叙山厨飽死芋豆羹

越王臺漫歌

越王臺越山路漠漠寒雲低草樹魚蠻兩岸踏潮歌鷓鴣  
一聲掠沙去祖龍失鹿幾人爭陳氏大呼劉項怒也甘  
心作偏霸豈非英雄識時務可憐烹醢盡山東白頭抱孫  
幸如故朝廷仁厚不用兵寧人息事付書生蠻夷大長老  
夫臣少年割據多酸辛豈其將知耄已及無乃文帝真聖  
人戈船更倚樓船勢徵側能將徵貳軍五嶺珠厓天險極  
遠人不服修文德君不見五溪淫毒伏波愁銅柱終憐屍

裹革

光孝寺菩提樹歌和載園韻

調御真人植大樹浩劫洗盡雷雲痕幽光尙留太古迹秀  
色獨占桃榔村盤根錯節幾千尺太陰慘澹龍蛇奔寶坊  
百事付陵谷休上人筆懸沙門豈知此樹亦千古老幹尙  
作新花繁淋漓夜半戰風雨雷公電母相吐吞天年屈指  
幾輪轉長松偃柏皆兒孫要知菩提本無樹於有佛處誰  
無尊塔鈴丁東古帛裂訶子錯落鉤輶喧厖眉老僧憩寂  
坐石幢風細褰經幡何王宮殿化佛國金枝玉葉空無存  
牧歌樵唱自今古春風秋月磨朝昏詞客淒涼半畝宅廢  
井尙留蘋婆根梵王宮前種秋菊連天腐草流螢燐貝多  
寫經大無量試與桃梗從頭論護持此樹龍象力冰雪排  
盡留春溫

## 海珠寺

扶胥江心一畝鐵萬里寒江夜潮白象罔何年失元珠  
狸沈自古投蒼壁黃木灣本南溟通海眼覩天逗石脉山從  
鰲背起長風鼉作鯨吞歛昏夕安知恨無鬼神會已疑下  
有蛟龍宅海寒多風吹我襟星漢漸低手可摘欲收四面  
波痕青更上一層眼光碧海舶崢嶸駕陸梁烝船起落隨  
潮汐三城燈火滿江明五嶺雲霞半天赤蒼茫獨立倚危  
樓太息江南未歸客

## 南海神廟

一片韓公石摩挲日已晡潮平漁舍穩山盡戍樓孤蝦市  
懸通印蠻兒學弄珠波羅江上路迎權但神烏

韶石

空山萬萬石元氣鍊青蒼  
片石歸然在虞懸久已亡  
寒雲無日夜大壑不滄桑  
風雨誰持去神靈鎮混茫

孫將軍宗夏指畫虎歌

虎城一山衆山小萬壑寒風顛  
松杪烏鳶俯頸不敢下百  
獸奔駭愁枯草問君此態何從  
摹將軍有力食於菟興酣  
展紙一蹕蹕神至不覺全力俱  
頃刻風沙盈尺紙老猿哀  
叫神鳥起爪間毛血腥爛斑  
饑向蒼厓礪牙齒將軍卓指  
如卓峯決拾怒挽顏高弓戲用  
五丁壯士力幻出一山毛  
族雄莊生以指喻非指裴旻射  
虎乃彪耳將軍顧影自狂  
喜矯矯王臣有如此昔時典衛  
依羽林徒手曾將雕虎擒



他年專閫持旄節夜獵空山尋虎穴馬蹀草中狐兔血戰袍夜半風吹鐵卽看此圖骨肉強似有意氣同飛揚勇不害上登明堂便可持之獻天子騶虞麒麟相終始

婁妃墓

豈有神仙萼綠華碧山仍駕紫鸞車寒雲渚尾埋香草紅淚江頭染蓼花

水晶宮闕玉龍幢頻斂官眉恨未降眼見拔山成畫虎不會留淚灑烏江

攬秀樓前悵黍離芳魂漂泊得歸遲豐碑斗大書婁字江水悠悠豈得知

臨江江行雜咏

白石粼粼淺瀨鳴沙頭風細月初生  
荒厓不復聞宵柝水碓魚桺一夜聲

黃柑林外野人家遠岸舟來犬吠譁  
明日溪南看曬布深村徹夜響縑車

隔水鷓鴣喚醉眠始知片晌布帆懸  
推篷擁被攤書坐兩岸竹陰青入船

白鱖黃鮓快滿盤客懷懊惱強加餐  
他時記取江鄉味筍苦柑甜白酒酸

湘潭舟中

瀟湘暮雨一舟橫獨倚篷窗客感生  
楚尾吳頭家宛在南香北雪夢雙清  
舊游何處無山水此去天涯有弟兄  
短劍

江詩集 卷八十四 三  
長歌燈影底背船沙鳥喚羣聲

仲兄湘南署中作

舊時鬚鬢可憐生夜雨移床對短檠伯也執爨飛食肉小  
人有母快嘗羹衰門薄宦兼文武遠道長貧戀弟兄回首  
洞庭波水濶一峯迴雁最分明

同楊曉帆遊中湘後湖

十日烟波弄雨絲初晴放櫂夜尤宜須臾明月江上出似  
有好風天外吹繡被焚香神自王吳鉤換酒客相隨無人  
更擅湘靈句突兀數峯青爲誰

湘陰送別

送別年年湘水頭故人西去水東流蓬窗共聽瀟瀟雨明

目已陵烟外舟

登岳陽樓

蒼茫水氣中湖天渺不隔綠雲貼君山皎月湖心得彷彿  
黃衫翁鉄笛吹明月風壯鼓濤聲變態忽難測雲夢瀟湘  
間沙禽赴暝色敢云吞八九氣象紛羅列文正與文貞混  
茫割楚澤憂樂本難忘今夕復何夕登臨緬古人茫茫百  
端集竟買洞庭秋陶然醉春碧

黃陂道中

古驛愁邊盡荒城攬轡遲馬嘶人倦後邨遠日斜時久客  
千金乏隨身一劍知天涯有同調不恨路多岐

廣武山行憶仲兄

平原集霰正紛紛野燒連山草自焚小水穿畦初作凍孤  
烟傍嶺欲成雲渡河前路無知已立馬回頭望夕曛遊鬢  
青青今漸白猗蘭芳若想夫君

邯鄲詠古

趙魏邊陲接陣雲博開獵騎且相聞秦師已拔長平壘鄴  
壁虛屯百萬軍壯士不應留白首兵符猶自乞紅裙夷門  
往返商量處古木荒坪臘夕曛

爭列須防兩虎爭老臣憂國憤先平引車暫避私讐解脫  
柱難容敵國輕完趙一雙和氏璧破秦十五子虛城澠池  
御史書年月鼓瑟聲催擊缶聲

可惜平原豪舉聞博徒空老賣漿貧翩翩濁世佳公子碌

碌借行十九人卽引毛生爲上客焉知晉鄙死宗臣虞卿  
畫策工何益不救馮亭坑鬼燐

### 大梁行

汴梁春色濃於酒寒食垂楊復垂柳梨花飛去北邙山墓  
下幾人名不朽買絲難繡信陵君熱酒唯澆地下人燐火  
熒熒荒苑草狐狸擾擾玉棺塵東風繫馬長堤樹明月耕  
牛犁古墓牧兒弄笛荅樵謳曾是當年歌舞處開寶詞人  
被酒來鄒枝詞賦賈生才鬼神畧識高歌意一夜悲風卷  
吹臺

### 落葉

秋靄翳踈櫺漠漠向深夕柴門鎮日開想像秋陰積月出

捲簾看始覺一池白幽人入空山處處黏行屐西風來無  
時掃去亦可惜蓬蒿滿三徑念此山中客

依依辭故枝微微弄寒影習習響空林飛飛入梧井淡淡  
草痕枯瀼瀼露花靜側耳祇窗鳴愁坐寒宵永

言尋秋色來四山皆白曉枝老無鳴蟬巢危見栖鳥絕磴  
鋪黃雲一逕入深窅園林多秋聲石橋行跡少約汝探幽  
人看泉到林杪

生意未嘗絕葉落覆其根春來何青青一氣之所存嚴霜  
無情物安知春雨繁人事有代謝苗甲理難論

榮落有如此感之哀生平悠悠顧齒髮慊慊懷夙情床頭  
一尊酒中宵風雨聲微陰肩蜩縮切切踈蛩鳴

奉和楊鈍夫先生夜坐待月用蘇文忠公定惠院月  
夜偶出韻卽效其體時歸計已決兼叙別懷

定林無暑貪早涼明月有情戀深夜舉頭迴雁落湘中屈  
指秋帆掛吳下已輕烟樹千里遙且玩星河一碧瀉琴書  
落落愁道途裘馬翩翩耻流亞四更山吐助豪吟一言河  
潤蒙獎借絳帳終須依馬楊烏衣何取譽王謝嶺雲多處  
歸吾廬江水甜時汲子舍楊柳猶牽染汁衣櫻桃渴想寒  
漿蔗硯田豈謂稻梁謀釣竿不受風波怕歸及梅花怒放  
時故園春曉黃鸝罵

聞角

涼月荒鷄醒晨風病馬愁一聲霜外角十里戍邊樓遠客



曾無夢孤鴻又值秋時平罷烽燧聽汝淚仍收

黃陵廟

杜蘅香影泛檣烏帝子荒祠水鳥呼日夜江聲朝北渚  
古今雲氣暗蒼梧蕭蕭木葉落鴻雁漠漠竹陰啼鵲鴝欲起  
英皇歌此曲數峯青外片帆孤

襄陽

古堞緣山起江聲抱郭流風雲橫楚蜀耆舊滿山邱折戟  
埋沙爭銅鞮隔岸愁葛疆如共醉更擬解吳鉤

城頭宿雨繁城外夕烟昏北馬南檣地由來斷客魂江山  
南服壯士女大隄喧我慕龐公隱逢人問鹿門

贈同年李玉漁

裘馬翩翩日文章注六經在家眉早白對我眼前青海海  
馴龍性淵源溯鯉庭一杯吾與汝痛飲到忘形

春感

駘宕春風入酒痕蹉跎歲月對孤尊故山瘦盡梅花影細  
雨招來燕子魂苜蓿空盤常不飽江湖舊夢已忘言微醺  
卯飲吟肩聳試拂蛛絲目易昏

露筋祠

明璫玉珮光玲瓏香塵冉冉荆榛中水花漠漠廟門空一  
絲落梅江上風門前老樹烏不止苦寒不耐冬青子冰條  
如柱衆芳死女貞花魂冷如水

史閣部墓

再生文信國重見小朝廷亡國何荒穢斯人尙典型一山  
梅影白數尺蘇碑青正氣蒼然在宵分仰列星

釜魚方待盡社鼠尙憑陵狎客宜春酒官家便殿燈詭謀  
爭上相大獄鞠狂僧一士成孤立憂時淚滿膺

百六非完局東南僅數州繞朝誰贈策專閫誓林舟江表  
資陶侃軍中哭武侯衣冠留葬地落日滿荒邱

大節唯生死孤忠泣鬼神全家一紙血戰骨萬軍塵心在  
能枯海時乖枉厝薪

聖朝寬大極封墓獎殷仁

浙東舟夜

吳山看不盡今夜浙江東櫓外一聲雁江頭千樹楓秋真

如我澹月不礙天空無限關河思微吟托晚風

富春

富春城上聞宵砧客子思歸聊苦吟石郭打潮夜寂寞漁  
船點火光浮沉遲遲帆影濕山翠漠漠江風啼水禽二十  
五離騷下酒天涯一寸歲寒心

九老松

萬壑周遭萬木濃德雲蕭寺白雲封南朝僧佛一抔土上  
古春秋幾粒松剩有烟霞巢白鶴漫隨風雨化蒼龍茯苓  
曾向高僧乞帶髮還堪井塋供

疊浪石

德雲菴前九松後割取蓬婆一峯秀太陰慘淡雷雨昏倒

卷銀河下白晝雲根激浪作江湍石眼迸珠如乳竇屈曲  
初無斧鑿痕掀騰但覺波濤湊松間瀉月助泉鳴雨後翻  
瀾訝天漏羊曾經叱尻雕高龍不受鞭鱗甲瘦望窮絕頂  
莫尋源晴入四山尙懸溜名山結構如堂皇中峯委宛成  
中雷山靈學水乃至水何必鬼工雕透皴我欲壺中買九  
華安能勾入浮邱袖夜半持歸風雨隨曉來頓失菟裘陋  
嗚呼吾生何處覓仇池眼前突兀見此岫

桃花磯

華礪招提路菖蒲一磯遮移天歸洞壑劈石走龍蛇水引  
前山月雲流上界花武陵漁子意何處訪仙家

最高峯

大江南北山玲峴此峯特立粘天青簋輿直上少攀附兩  
腋隱隱長風生天門談蕩衆緯逼江風吐納蛟蜃腥須臾  
烏雲挾雨至空山老鶴沖空鳴濛濛四百八十寺昏黑不  
辨金陵城山顛結茆識王氣彼何人哉真仙靈六朝陵谷  
才轉瞬江山終古同一形閱幾英雄度天塹逝者但與東  
流爭燕子磯頭潮汐平蘭陵鎮前吹笛聲健者能將阿童  
兵連檣大艗如陸行古人貪飲建業水嗟爾設險徒崢嶸  
山高水長世閱世今人不見茅初成

孤山林處士墓

單棹虹隄盡日停孤山孤絕小林垞梅邊香土詩人冢湖  
上青天處士星水鶴松杉雲澹澹女蘿山鬼夜冥冥惠勤

不作蘇蘇死秋菊憑誰更薦馨

岳王墳

千古英雄貉一邱湖雲山月可勝愁麒麟荒草魂何處杜  
宇冬青恨豈休黃土未乾冤獄淚烏金空鑄佞臣頭曲端  
死後無祠廟少費人間錢幾州

題樂蓮裳蓮隱圖

汝水東流似若耶芙蓉多處卽爲家美人香草纏綿意不  
愛蘭荃愛藕花藕花幽客同情性葉葉花花敲復正綠霧  
惺忪入畫船紅雲宛轉遮明鏡明鏡平鋪十里光低徊三  
十六鴛央前身作佛心原苦艷福成仙骨亦香水澹烟濃  
花自在兩三點雨菰蒲外五月陂塘菡萏秋一灣菱芡香

巖界漁花心醉夢花癡得意花中小隱時綺語難消綠慧  
業繡腸不斷是情絲蓮隱主人今太白青蓮本自蓬山謫  
太華峯頭十丈花現身又照峨眉月幾年客館傍豐臺梨  
雲夢裏涉江回他時再補濂溪說太液池頭泛藕來

西湖泛舟

箬葉青篷小小船聲聲柔櫓破湖烟菱香莢熟西泠路一  
夢依稀又十年

竹爐新火晚涼天龍井芽烹六一泉五百松風誰管領借  
儂一榻看茶烟

競渡

江鄉仲夏初競渡世所美聚錢有醵率龍舟爭葺繕沙棠



與木蘭采色蒙青縑一一之而攻兩兩首尾見形模極雕  
搜髹漆謹素絢昂頭不蠢困露爪劇輕便伐鼓尻益高踏  
浪心屢顛號咷等兒戲謔呼雜謠諺近岸如跳魚遙波擬  
集霞銳頭前茅呼短衣後軍殿勢從曼衍分陣自魚麗變  
爭勝期奪標迅發訝激箭影過駛若風旗開疾如電四民  
舍本業隔日先舞抃拍手笑兒童扶肩簇婉孌簪包益智  
粽絲繫續命線湘裙紅若榴吳紉華若茜水漬盡遊人城  
溢郭亦填從俗未能免曰觀亦已倦自從楚祀淫是謂巫  
風煽忠臣與孝女魂可日星貫旣非強死倫死所定何戀  
卽云鬼物存但宜杯斝奠奈何舉國狂飲食紛紛周舉  
不禁火未聞子推怨國奢示以禮事鬼務能遠移風知不

難以猛政斯善

晚泊綿津

暑雨來何驟孤帆幸有涯江昏雲潑墨風急浪搏沙野渡  
新灘吼山村老樹遮鰕鰕兩魚目愁坐正思家

儲潭廟

十八灘頭路靈宮映水濱魚龍迎帝子鐘鼓享波臣天道  
存忠信人心有鬼神年年隨佑客維棹薦溪蘋

贈王生協夢

我客上谷時座有芙蓉香講學且相士百一願未償同時  
二三子得生喜欲狂春風三月闌短策歸故鄉送者及關  
止子獨持春糧隨我六千里遠携書一囊嗟余久荒落道

不能自臧感子懇懇思聊復傾厥藏譬如驂與騶得時終  
騰驤執陟攻其駒約之以康莊相子誠道器淵然如坐忘  
木訥良近仁沉潛須克剛且吾聞之師學不囿於方踰淮  
枳不化要期遷地良吳越佳麗地山水羅文章語言文字  
外有得相持將船窓一杯酒攤書證丹黃吾居旣湫隘館  
子於寶坊佛廬本虛白止止求吉祥鍵戶雖寡友幸無比  
匪傷阿咸差不俗切磋互短長昌黎作師說此道久昧茫  
先生一饒舌弟子咲在旁而子獨媚學求進日弗遑冥心  
到古人庶幾吾道光勗哉勿忘助努力少年場

秋懷詩用昌黎韻

蕭蕭蒲柳叢望秋先病率自無壽世姿過豈在天地桃李

郁濃時艷色春園恣一朝西風來始覺松柏異世人白眼  
看造物已矜貴

蟋蟀聲何來瞿瞿良士警及時無太康今夕日以永易得  
忘亦健遇過省猶猛掘彼九軌泉抱甕復操縵有機吾勿  
知用拙天所幸墻角短燈檠愛之不能屏

習習晚風過稍稍塵路乾道旁老松柏其下青琅玕抱葉  
蟲欲墮泣露花始圓賓鴻向南去沙月眠豈安燕燕凌風  
飛涉海愁波瀾造物於衆物役之如轉丸嗟我亦何事秋  
寒猶據鞍

涼風念故人贈言永爲好還訂歲寒期那須致身早君看  
拒霜花顏色但自保老圃得秋容園林不枯槁餘草悅紛

華此語誰解道

寓言

臆膊復臆膊羣鷄聚籬落不飛亦不鳴中有俯頸鶴鶴非  
不能鳴類殊志亦各明月到天中蟬噪兩寂寞戛然嘯清  
風上蒼釣天樂此時州州儔無聲但驚愕

條鍤黃金飾蒼鷹特英利君本慈鳩化搏擊一何毅好殺  
猛而當驅惡仁之義四海無鴟鵂庶幾鳳皇意何當凌西  
風一下將軍臂

鳳皇不如我得過且復過問君五靈脂能活幾人可區區  
濟世心無乃自信果斥鷃亦云云名實苦相左舉首笑飛  
鵬大言我亦頗

畢逋能返哺雁行儼同氣平時每見之悚然拜在地謂是造物仁生此教孝弟覩物念修名庶以勵吾志

徐中山王故園

在今江寧藩署內

中山池館舊崢嶸異姓繁華孰與京一代凌烟歸鼎鑊幾人橫草善功名江山故宅奇花茂風雨深宵大樹鳴昔日園林今傳舍綠苔猶自鎖雕甍

題文信國與吳新溪先生手札卷後

天水之季王綱弛乾坤茫茫一文氏永豐賢尉吳新溪枕戈不寐聞雞起軍儲連舸犒王師鞅掌賢勞令公喜九鼎當時一髮耳廟堂將相肉生髀縣尉何官幾斗粟食焉不忠乃深恥包胥淚盡遂哭秦媧皇石裂能憂杞同祀興師

要有人呼而應者真國士空坑敗後事難支首陽乃在新  
田里却聘書如正氣歌勉學巢由蒼龍比文公手札曾再  
三瀝血披肝無彼此出師丞相堅貞意板蕩詩人忠厚旨  
我信信國信吳公疾風勁草畧相似苟非其人豈費詞公  
之生平可知矣反覆書詞想書格墨蹟難忘猶可擬上追  
魯國將無同俛視王孫骨真靡英雄且莫視古今元氣不  
先造物死何况當時憂國言熱血滿膺紅噴紙此書此人  
不示後何以教忠立人紀北平儒林丈人公摹古人書進  
乎技靈爽遙遙六百年腕底生風神所使闡揚大節不偶  
然矧余恭敬維桑梓大賢有後後必大眼中之人有吾子

自題東山讀書圖

稍識讀書樂丁年已甲科一官慙翰墨萬卷閱烟蘿  
文章賤吾廬風月多名山可千古此志恐蹉跎  
畫本憐今我青山似故人綠陰調鶴地怪石看雲身  
花前驛長安夢裏塵迢迢六千里梅竹爲誰春

送吳蘭雪出都

吾友負俊器人中殊觥觥筆下有萬卷胸中羅五兵  
新詞如處子風月羅春英十試不一售餘子側目輕  
身家况百憂淚盡還吞聲庸知非造物妬爾文章名  
聰明歸渾樸往往才福并吾儕貴深詣無爲流俗情  
尙拙不尙巧可以觀厥成大璞理沉澗色不如水晶  
閭然似君子含章終可貞黃河擁泥沙不如一泓清  
排空入大海細流莫與爭觀此



可悟學質立文乃行區區進忠告期子受譽驚行矣自努  
力慎哉求友生

壽樂孺人六十

蓮裳之母

吾交樂子久愛其端慤姿明發懷倚閭立身不敢卑卽今  
困旅食猶補南陔詞有子實英特阿母真能慈維母性純  
厚陶融禮與詩往時苜蓿齋操作恒不疲洎歸事井臼淑  
慎無非儀尊章逮卑幼奉爲閨壺師卽君負隳器母後大  
在茲吾聞孝之本德難餘易爲一意崇令名無爲利祿移  
三釜非不榮得失應有時春暉一寸草此心良自知我有  
真摯言慰子不匱思上爲阿母壽下爲良友規

移居

我於人海如一萍七年館舍居無寧小人湫隘昔近市鎮  
日掃軌柴門扃妻孥十口屋如斗床上堆書高並牖朋知  
剝啄車馬來苦無隙地容杯酒我師愛我徹骨貧笑引賸  
子爲比鄰一家風月各門戶分取吾廬花樹春清俸入充  
官屋直猶勝故廬居逼仄宣武門東迢遞來入門頓覺喧  
塵息門外麥田兼菜畦寶坊鐘鼓街東西小逕延緣得野  
趣屋山禾黍秋萋萋芍藥苗香菊根紫呼兒晨汲灌園水  
人家高明太隆隆此地吉祥求止止左蠻石觸兩角蝸廣  
廈千間吾願賒賃人廡下今尙爾欲庇寒士寧非夸何况  
家無十弓地官如籩舍家如寄但蔽風雨夫何求美室見  
尤古有志

追憶舊遊

海國趨庭十四秋，多生憐我近羅浮。

余生於增城官署

將門子弟

形軀弱嶺嶠文章骨，氣邁未似羅含能卜宅。翻教陸賈賦

重遊西風搖落將軍樹，羊祜碑前戰馬愁。

粵東

射策蘭成尚孩，槐黃逐隊樂闌開。青山若使雲卿住，州府應無孺子來。南浦西風多別淚，長天秋水乏驚才。外家

無復孫茅老，梨栗分明記手栽。

南昌

三湘清絕似詩人，沅芷汀蘭共此身。文藻江山空寂寞，宦

遊兄弟各酸辛。

仲兄時官長沙

才名未稱長沙客，高調誰歌白雪

春。今古茫茫一杯酒，自澆塊壘醉靈均。

湖南

痛飲巴陵酒，病多布帆無恙險。重過蛟鼉自古尊，忠信湖

海平生足嘯歌

余兩次過洞庭皆遇疾風

明月更番携鐵笛青山難得

換漁簑年年問訊瀟湘雁十二君山謂我何

岳陽

晴川閣下泊征檣彈鋏將歸轉自傷作賦恐令黃祖笑登樓且許仲宣狂江山大好留人住富貴誰能見士忙誤信武昌魚味美平生在莒祝無忘

武昌

中丞好士望中州幕府蓮花上客留

謂畢秋帆先生

未有文名誇

衆口敢隨朋黨託清流黃公壚在堪謀醉繁氏臺空易感秋笑煞馬卿橋柱語梁園知否悔前遊

河南

孝廉船慣歷徐淮少壯功名困計偕江左山川紛在目竹

西歌吹且開懷瓊花春盡香成市螢苑秋荒月滿街難忘

平山堂下路再携游侶鞍青鞵

揚州

蒼茫京口海霞蒸兩點金焦莫靄凝見佛暫時忘故我論  
交深喜得名僧六朝人物誰軒輊萬古精籃不廢興南部  
看山遺北固長風破浪幾時能

鎮江

西湖好隱不須招早擬編廬近六橋小別十年思買棹重  
來旬日肯停橈主人自蠟遊山屐遠客還携載酒瓢珍重

錢唐錢九

杭之名妓

意將離能唱雨瀟瀟

杭州

眼底分明笠澤圖五湖風利別姑蘇偶來峯泖迷歸路漸  
入烟波狎釣徒山水人今思魯望功名我最羨陶朱當時  
竟坐漁槎去鱸膾蓴羹夢也無

松江

楊子江頭打槩頻秣陵師友暫時親先生作郡飢如我

謂松

雲先生

寒士遊山力藉人暗淡秦淮還問渡蒼茫瓜步舊知

津山川雄秀詩囊富莫諱當年道路貧

江寧

南徐北眺日荒荒齊魯山河道正長慣處單椒窺海岱曾  
紆官路拜宮牆琴書不耐西風冷行李時添古墨香獨上  
酒樓揩醉目古今容得幾人狂

山東

少年講學擁臯比

余年二十六主講直隸蓮池書院

師說無人服退之弟

子能言工設難先生徹舌僅能支論文求是非爭勝識字  
無多怕問奇看遍芙蓉開又落離羣深感索居時

保定

### 記齋中花木

牆東禿柳枝偃僂拳曲不垂絲其下郁李樹蓬勃蓊鬱花  
無數一桃一杏當西楹花開先後如弟兄春風一百二十  
日日坐樹下浮巨觥其南碧桃二殿春特姿媚紅雲衣裳

白雪胎萼綠仙人倚風醉丁香無限香比肩隨海棠石榴  
實甘美離離水晶子當門挺立一老椿不花不實徒輪囷  
入夏始盛萌于春見者笑謂材可薪灌之溉之主人獨一  
樹可以蔭羣木斧斤不到根不移立身似此平生足簷前  
羅草本首數芍藥欄春羅忽剪碎滿地紅闌珊晚來菊花  
太幽絕寒香放滿讀書室對花每呬三蕉葉點染秋容作  
春色盈階小草綠且滋存之以培生化機我藝樹不師場  
師彼郭橐駝其或知

陶汝昱

汝昱字立人號畫堂南城人金諧子幼慧年二十

卒

和鄧德昭松湖晚眺

柳梢斜日鳥知歸極望平原樹影稀曠野蒼蒼秋漸老晚  
烟漠漠鴈初飛山深不覺雲生屐林暗還疑霧濕衣漫和  
陽春歌一曲詩情畫意兩依依

送吳二照南之山西謁譚蒼亭方伯

朔風捲地秋草折愁聽驪駒歌一闋壯氣常輕萬里行離  
心動是經年別三獻三刖非所嗟依人且作稻粱謀應傾  
趙勝三千士好臥元龍百尺樓山川滿目開懷抱玉井蓮  
花添畫稿秋水孤篷大別山短衣落日夷門道平生爽豁  
見心胸忘形爾汝一笑中但聞樽前客常滿不計杖頭錢  
已空嗟予多病才思短愛汝殷勤重延款聽雨齋中跂脚



眠風簾月榭同蕭散丈夫昂藏不可羈看君豈合長數奇  
升沉窮達自有定低眉斂手詎肯爲暮秋長揖別我去行  
旅蕭蕭戒徒御掛帆南浦大江橫回首鄉山紅葉樹西駕  
柴車上太行驚沙蔽日寒無光下瞰中原帶河繞天低鵲  
沒雲蒼蒼汾河落木風蕭瑟驛路蘆花兩岸白暮聽畫角  
起邊聲朝看黃雲隨馬色廡下誰將青眼看出山一識荆  
州韓男兒耻作窮途哭遊子休嗟行路難我聞太華天下  
美送君西行從茲始名山勝處毋稽留消息還憑寄雙鯉

張 澣

澣原名斯濬字幼華號雲溪南城人銘子年二十  
九卒

村行卽事

村行隨處好言過野人家一徑草痕綠半籬花影斜語多  
迢姓字坐久問桑麻分手尋歸路紛紛絮作花

出朝陽門遇雨

出郭纔三里長天雨脚浮雲低鍾阜樹天入秣陵秋嵐翠  
林間積風光野外幽綠陰行處好蟬韻晚悠悠

贈吳蘭雪

堅壁騷壇意氣雄欽奇磊落有誰同篋中詞賦傷孤鶴望  
裏關河感塞鴻

時若香遊楚

對酒莫辭今夜醉看花猶憶昔年

紅多君款款憐分袂祝我舟乘五兩風

和吳曰菴留別韻

暫息征鞍臥聽更離憂旋復暮潮生頻年作客來南國此  
日衝寒唱渭城白露天高秋黯淡黃花節過雨淒清莫嫌  
囊橐無餘物一路看山是去程

送白菴歸里

飄然琴劍共詩囊念爾途窮屢趣裝善哭唐衢長有恨微  
詞宋玉本來狂白門秋雨孤帆遠吳苑西風客夢涼我亦  
鬢絲憔悴甚臨岐握手意茫茫

上清別吳大退菴

連宵共被話更闌唱徹驪駒不可攀江水西流君北去前  
途風雨信州山

江西詩徵卷八十四